

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman III poslanika u Skupštini Zeničko-dobojskog kantona Delić Rifata na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 104. sjednici, održanoj 27.07.2017. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman III Delić Rifata, poslanika u Skupštini Zeničko-dobojskog kantona na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman III upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/17.
Datum, 27.07.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

(1) Poslanik u Skupštini Zeničko-dobojskog kantona Delić Rifat podnio je Amandman III na Prijedlog Zakona o osnovnoj školi da se član 93. stav (1)., koji glasi: „Školski odbor osnovne škole, kao javne ustanove, broji pet članova i to: jedan predstavnik osnivača kojeg predlaže Ministarstvo, jedan predstavnik lokalne zajednice, jedan predstavnik Vijeća roditelja učenika osnovne škole na prijedlog Vijeća roditelja i dva predstavnika škole koji se biraju iz reda nastavnika, stručnih saradnika i saradnika škole na prijedlog Nastavnog vijeća. i ostalih uposlenika škole“, mijenja i glasi:

„Školski odbor osnovne škole, kao javne ustanove, broji pet članova i to: jedan predstavnik osnivača kojeg predlaže Ministarstvo, jedan predstavnik lokalne zajednice, koji je nastanjen na upisno-gravitacionom području škole, a predlaže ga savjet(i) mjesne(ih) zajednice(a) gdje škola gravitira, jedan predstavnik Vijeća roditelja učenika osnovne škole na prijedlog Vijeća roditelja i dva predstavnika škole koji se biraju iz reda svih uposlenika škole osim direktora i pomoćnika direktora škole, na prijedlog nastavnog vijeća.“

Stoga se predlaže neprihvatanje Amandmana III iz razloga što član školskog odbora iz reda lokalne zajednice jeste osoba koja stanuje na upisno-gravitacionom području te osnovne škole, i njena prijava na Javni oglas sadrži potvrdu škole da stanuje na upisno-gravitacionom području te škole. Time njegova kandidatura nije ograničena odlukama Mjesnih zajednica (Savjeta, Skupština i drugih organa MZ), jer jedna škola uglavnom upisuje učenike sa teritorija više MZ.